



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Formula attestationis natalium, & morum, & fidei professionis.

**urn:nbn:de:hbz:466:1-10502**

Nec item victus ac vestitus procuracionem, ac illorum dispensationem exerceas.

Diebus festis, pueros ad diuina officia, ad verbi Dei Conciones, & Doctrinae Christianae scholas adduces.

Tu vero ipse iisdem diebus superpelliceo indutus, in Ecclesia S. N. Missae Conuentali, & Vesperis intereris; mensualibus item Congrega. Processionibus, & reliquis huiusmodi, quibus Clerus interesse debet, & tu interesse ne omittas.

Has autem nostras literas diutius tibi suffragari nolumus, quam per sex menses; quo tempore confecto, ne audeas sine noua confirmatione docendi artem exercere, sub pena suspensionis ipso facto incurrenda, quam scito nullo pacto impetraturum, nisi testimonio Praefecti tuae regionis constiterit, supradicta capita diligenter te executum esse. Dat.

Formula facultatis, qua permittitur clericum nondum initiatum missae sacro diuinisq; officijs inseruire.

Carolus &c. Tibi N. qui habitum clericalem deferendi licentiam obtinens, Superpelliceo decenter induto, vt in Ecclesia S. N. Sacerdoti celebranti, & sacramenta admistranti, vsque ad proxima stata sacrae ordinationis . . . tempora inseruire possis, his nostris permittimus. Dat.

Formula facultatis, qua permittitur puerum laicum ob defectum clerici Missae sacro alijsq; diuinis officijs inseruire.

Carolus &c. Tibi N. laico, & de legitimo matrimonio procreato, Veste talari, & superpelliceo decenter induto, vt in Ecclesia S. N. attenda eiusdem Ecclesiae & Parochianorum paupertate, necnon ministrorum Ecclesiasticorum qui ibi inseruiant, penuria, Diuinis officijs, & Sacerdoti celebranti, Sacramentaque ministranti, ad menses . . . inseruire possis, his nostris literis permittimus. Dat.

Formula facultatis, qua permittitur ecclesiasticum hominem vitae sustentandae causa domi habere mulierem senescentem.

Carolus &c. Tibi N. ob vitae sustentandae curam N. mulierem, aetate annorum . . . domi habere licere, his literis concedimus, quas per annum tantum tibi suffragari volumus. Datum. &c.

Formula facultatis, qua permittitur ecclesiasticum hominem habitare in aedibus laicalibus.

Carolus &c. Cognitis causis quas exposuisti, tibi N. his nostris literis permittimus & concedimus, vt in aedibus laicalibus N. laici hominis, etiam si in illis mulieres sint, per . . . habites. Dat.

Formula attestationis Natalium, morum, & professionis fidei.

Carolus &c. Vniuersis & singulis praesentes literas inspecturis, lectoris, & auditoris, salutem in Domino sempiternam. Ad habendam de fide, moribus, doctrina, aetate, & natalibus certam scientiam Ven. viri D. N. Clerici Mediolanensis, pro parte illius requisiti fuimus, vt expetitam super his inquisitionem facere dignaremur. Nos huiusmodi honestae requisitioni annuere volentes, prouidos viros, multum RR. DD. N. N. & N. quorum fidem, religionem, & animi integritatem probatam habemus, seorsum super vita, moribus, aetate, religione, & natalibus praemissis, medio iuramento examinandos coram nobis duximus; & deinde collectis singulorum depositionibus, comperimus praef. D. N. esse aetatis circiter 30. ann. clericali caractere rite insignitum, legitimis natalibus ortum, honestis moribus praeditum, nec vlla prorsus haereticis labe pollutum, sed in communione fidelium, qui sanctam catholicam & apostolicam Romanam Ecclesiam profitentur, constanter vixisse, & viuere; eumq; in philosophia, & utroq; iure in celeberrimis Academicis laurea



tum esse: inde subiectos de fide articulos illi coram nobis genibus flexis, præsentibus probis viris Reuer. DD. N. & N. testibus ad hæc vocatis, & specialiter rogatis, legendos, & profitèdos, iuxta Bullam fel. rec. Pij PP. IIII. tradidimus; quibus ad vnũ alta & intelligibili voce perlectis, & professis, se illa omnia & singula, sicut conscripta sunt, omni tempore seruaturum, iureiurando promisit & affirmavit, in hunc qui sequitur modum, videlicet. [Ego N. firma fide credo &c.] In quorum fidem &c.

Formula literarum, quibus aliquid de sacris reliquijs conceditur Episcopo, qui earum translationi interfuerit.

**C**AROLUS &c. Omni studio instituta complectimur, quæ fidelium pietatè excitant, quæq; ob eam causam sanctiss. patres nostri adhibuerunt; & illa quidè præsertim, quæ in nostra hæc Ecclesia olim visitata fuisse accepimus. Id enim aliquando in more positum fuit, Episcopis, qui translationis celebritati præsentibus adfuissent, aliquid sacrarum reliquiarum, quæ translatae essent, pia liberalitate concedi. Nos igitur hoc, quod oblata occasione ad vsũ reuocare studemus, maiorum nostrorum exemplo adducti, & præterea Illustriss. ac Reuerendiss. in Christo patris & D. D. Cardinalis Paleotti, Episc. Bononiensis (qui pro eo, quo tenetur, amplificandæ Ecclesiæ disciplinæ desiderio, ad solennem S. Simpliciani, aliorumque sanctorum translationè, quam proximè concelebrauimus, literis nostris inuitatus, amplissima auctoritate sua, & virtutum maximarum, quæ in eo elucent splendore, illam collustrauit) singulari pietate commotus; & ea quoq; recor. memoriaque excitati, quòd Ecclesia Bononiensis, cui ille præest, mutuis præcipuè charitatis officijs cù hac nostra Mediolanensi, & olim tempore potissimum Sancti Patris nostri Ambrosij, & iam nunc maximè coniuncta est: in eam deliberationem venimus, vt eidè religiosiss. Cardinali pastorique vigilanti. Bononiam ad Episcopale stationem suam redeunti, aliquas sacras reliquias

sanctorum, qui in hac nostra Mediolanensi Ecclesia præcipuè coluntur, nos piè impartiremur. Itaque S. Simpliciani Archiepiscopi & Confessoris digitum vnũ de Ecclesia eiusdem; Sanctorum etiam Archiepiscoporum & confessorum, Ioannis Boni, Monæ, & Galdini reliquias sacras de Basilica Metropolitana, Sancti item Arderici Episcopi & Confessoris reliquiam de Ecclesia Sancti Nazarij, & beatorum Martyrum Naboris & Felicis reliquias de Ecclesia Sancti Fræcisii, & reliquiam quoque de sacris cineribus Sancti Eusebij Archiepiscopi & Confessoris, ex Ecclesia Sancti Laurentij, ac reliquiam item de dalmaticæ Sancti Patris & Parroni nostri Ambrosij ex Basilica Ambrosiana, ipsi Illustriss. Cardinali Paleoto Episcopo Bononiensi si pia largitione donamus, tradimus, impartimur, & concedimus. In cuius rei fidem & testimonium, has literas manũ nostra, solenni que sigillo Archiepiscopali Sancti Ambrosij munitas atque ob signatas fieri iussimus: earumque monumentum atque exemplum in cancellaria Archiepiscopali asseruari mandauimus.

Dat. Mediolani idibus Iunij. 1582.

Formula literarum, quibus ex causa probatur absentia Episcopi.

**C**AROLUS &c. Nobis amplitudo tua Reuerendiss. per literas exposuit, se ad Beatæ Mariæ Lauretanæ ædem sacram, voti causa, indeq; Romam ad Iubilei anni Sancti qui prope instat, celebritatem breui profecturam esse. Quam ob causam cum ab ista Ecclesia sibi commissa aliquãdiu abfutura sit, a nobis hoc petijt, vt sibi per nos a residetia suæ personalis munere tãdiu abesse liceat, quoad istam profectiõnem peregrinationemve confecerit. Nos igitur pro auctoritate nobis, qui Metropolitanus personam sustinemus, decreto Tridentino concessa, istius absentia facultatem Reuerendissimæ paternitati tuæ damus, eiusdemque causam his nostris Archiepiscopabilibus literis probamus. In quarum rerum fidem &c.

For-